

სიღნაღისა და დედოფლისწყაროს მუნიციპალიტეტებში „ქვემო ალაზნის სარწყავი
სისტემის მაგისტრალური არხის და ჰიდროტექნიკური ნაგებობების აღდგენა
რეაბილიტაცია პკ396+21-დან პკ910+20-მდე (II ეტაპი)“

პროექტი მიზნად ისახავს ქვემო ალაზნის სარწყავი სისტემის მაგისტრალურ არხზე განლაგებული საინჟინრო ნაგებობების (ხიდები, ღვარსაშვები, წყალგამშვები, წყალსაგდები, აკვედუკი, სწრაფდენი, მილხიდები) აღდგენა რეაბილიტაციას, რაც მნიშვნელოვნად გაზრდის მაგ. არხის გამტარუნარიანობას და გააუმჯობესებს სარწყავ ფართობებში წყლის მიწოდებას.

აღდგენა-რეაბილიტაცია ჩაუტარდება უშუალოდ მაგ. არხზე განლაგებულ ჰიდროტექნიკურ ნაგებობებს პკ396+21-პკ910+20 მონაკვეთში.

მაგ. არხის ამ მონაკვეთზე $l=51.4$ კმ მანძილზე განლაგებულია 132 ც ჰიდროტექნიკური ნაგებობა. მათ შორის: 28 ცალი ღვარსაშვი, 11 ცალი ხიდი, 4 ც წყალსაგდები, 1ც სწრაფდენი, 2ც მილხიდი, 1ც აკვედუკი, 75 ც წყალგამშვები, 6 ც წყალგამშვები შემტბორავით, 1ც შემტბორავი ნაგებობა, 3 ც ღვარსაშვი შემტბორავით.

სამუშაოს შესრულების ვადაა - ხელშეკრულების გაფორმების თარიღიდან 908 კალენდარული დღე.

აღნიშნული ვადა მოიცავს 2019 წლის სარწყავ პერიოდს - 210 დღეს (უწყვეტად) და 2020 წლის სარწყავ პერიოდს - 210 დღეს (უწყვეტად), რომლის განმავლობაში შემსყიდველის წერილობითი შეტყობინების არსებობის შემთხვევაში მიმწოდებელი ვერ შეასრულებს სამშენებლო სამუშაოებს.

სარწყავი პერიოდების დაწყებისა ან დასრულების, შესაბამისად, სამუშაოების შეჩერების ან განახლების თაობაზე (ასეთის საჭიროების შემთხვევაში) შემსყიდველი

მიმწოდებელს შეატყობინებს სარწყავი პერიოდის დაწყებამდე ან დასრულებამდე სულ მცირე 2 კვირით ადრე.

თუ, ფაქტობრივად აღმოჩნდება, რომ შესაბამისი წლის განმავლობაში სარწყავი პერიოდი 210 დღეზე მეტია, სამუშაოების შესრულების ვადა მხარეთა შეთანხმებით გაიზრდება იმავე ვადით, რა ვადითაც გახანგრძლივდება სარწყავი პერიოდი.

თუ, ფაქტობრივად აღმოჩნდება, რომ შესაბამისი წლის განმავლობაში სარწყავი პერიოდი 210 დღეზე ნაკლებია, სამუშაოების შესრულების ვადა მხარეთა შეთანხმებით შემცირდება იმავე ვადით, რა ვადითაც შემცირდა სარწყავი პერიოდი.

სამშენებლო სამუშაოების ღირებულება შეადგენს **4,525,350** ლარს.